

Mampu senyum di waktu sukar

Pengurusan kewangan bersistematik, pelaburan mampu beri kelegaan kewangan pada masa depan

Pandemik Covid-19 menyebabkan ramai kehilangan pendapatan atau kini hanya menerima separuh daripada pendapatan yang biasa diterima.

Ia memberi kesan kewangan yang tidak pernah dibayangkan ketika dunia berada dalam era kemajuan dengan perniagaan, komunikasi, pengembalaan dan keperluan sosial menjadi keperluan dalam pembangunan ekonomi.

Penasihat pelaburan berkata, agak sukar menyentuh mengenai pengurusan kewangan ketika ramai yang kehilangan pendapatan, namun ia satu aspek kehidupan yang perlu diberi tumpuan memandangkan berkait rapat dengan kelangsungan hidup.

Sememangnya pelaburan bukanlah satu perkara yang berada dalam fikiran setiap hari, namun sedikit

perubahan dalam gaya hidup mungkin boleh membantu memberi kelegaan kewangan.

Antara perkara yang perlu dilakukan ialah membuat bajet bagi mendapatkan gambaran jelas mengenai kedudukan kewangan semasa.

Pendapatan, jumlah hutang dan perbelanjaan adalah tiga perkara yang perlu dinilai semula bagi menyusun semula kewangan untuk memiliki aliran tunai yang positif.

Antara langkah boleh diambil ialah dengan menyusun semula hutang sedia ada atau membuat pembiayaan semula bagi mengurangkan ansuran bulanan dan mencipta aliran tunai tambahan.

Peminjam boleh berbincang dengan pihak bank untuk memanjangkan tempoh pembiayaan atau mendapatkan kadar faedah lebih rendah dan dalam kes tertentu, kadangkala



TIGA perkara perlu dinilai semula bagi menyusun semula kewangan untuk memiliki aliran tunai yang positif.

peminjam boleh mendapatkan sedikit tunai hasil daripada pembiayaan semula pinjaman.

Ada juga bank yang menawarkan kemudahan untuk menyatukan semua pinjaman di bawah satu pinjaman dengan kadar faedah lebih rendah.

Pastikan senarai barang dibawa setiap kali membeli belah untuk mengawal

keinginan mengambil apa saja sahaja barang yang diinginkan kerana tanpa kawalan, tidak mustahil anda berbelanja sehingga ratusan ringgit.

Jangan segan membeli barang generik atau jenama pasar raya kerana kebanyakannya daripadanya juga barang berkualiti serta jangan lupa membeli barang ditawarkan pada harga diskau.

Selain itu, perhatikan perbelanjaan anda dengan lebih teliti dan cuba kurang atau buang terus tabiat kecil membabitkan kos tinggi apabila terkumpul.

Antara contoh perbelanjaan boleh dikurang atau dibuang terus ialah tabiat membeli kopi dan pemanis mulut mahal setiap hari, langgan telefon bimbit, internet jalur lebar dan saluran TV berbayar yang berlebihan sedangkan ia tidak digunakan atau tidak diperlukan pada masa ini.

Selain itu, untuk menjana tunai tambahan, jual sahaja barang yang tidak pernah atau tidak lagi digunakan, seperti beg tangan berjenama, tudung dan sebagainya sebagai barang *pre-loved*.

Ramai juga yang mula berjinak-jinak dengan media sosial dan YouTube atau mula membabitkan diri untuk bermain permainan dalam talian bagi menjana pendapatan alternatif.

Jika sudah ada tunai dan pendapatan tambahan, jangan lupa membuat bajet sebagai panduan kewangan anda.

Catat setiap sen wang yang masuk dan keluar untuk membantu anda sentiasa berpijak di bumi nyata ketika mengharungi waktu sukar ini.

Jika ada lebihan, jangan lupa melabur sebagai sandaran untuk waktu yang mungkin lebih sukar pada masa depan.

KUIZ TEKA SILANG KATA PELABURAN PNB ONLINE


HADIAH UNTUK DIMENANGI!

Ke-2 2 x RM5,000	Pertama 1 x RM7,000	Ke-4 5 x RM1,000	Ke-5 28 x RM500
Ke-3 3 x RM3,000	SAGUHATI 140 x RM200		

*Hadiah dalam bentuk unit amanah ASNB

KEADAH PENYERTAAN:

- i. Kuiz Pelaburan PNB Kategori Dewasa terbuka kepada warganegara Malaysia yang berusia 18 tahun ke atas;
- ii. Borang Penyertaan untuk Kuiz Pelaburan PNB Kategori Dewasa boleh diakses di www.asnb.com.my. Peserta perlu menjawab secara dalam talian (on-line);
- iii. Borang penyertaan yang diterima selepas tarikh tutup akan ditolak.
- iv. Tiada had penyertaan, bagaimanapun seorang peserta hanya layak memenangi satu hadiah sahaja.
- v. Pemilihan pemenang adalah berdasarkan jawapan yang betul dan akan dibuat menggunakan sistem pemilihan yang telah ditetapkan pengajar. Keputusan pemenang adalah mutlak.
- vi. Termasuk syarat lanjut peraduan di www.asnb.com.my.



- MELINTANG**
1. Bayaran kepada pelabur / pemegang unit daripada pendapatan yang diperoleh syarikat/pengurusan dana. (2 perkataan)
 3. Konsep paling penting yang perlu difahami untuk melabur dengan berkesan kerana ia membolehkan pelaburan berkembang dan terus berkembang jika dilakukan untuk tempoh yang panjang. Saintis terkenal, Albert Einstein menganggapnya sebagai kejayaan dunia yang ke-8. Konsep ini dikenali sebagai kuasa faedah _____
 5. Satu bentuk pelaburan yang mana pelabur dengan objektif yang sama melabur dalam satu tabung dengan harapan menerima pulangan. Pengurusan tabung akan melantik pengurusan dana untuk menguruskan portfolio pelaburan bagi menjana pendapatan untuk memberi pulangan kepada pelabur. (2 perkataan)
 7. Konsep Labur dahulu baru belanja amat digalakkan dalam pengurusan kewangan kerana ia membolehkan seseorang itu mengenepikan wang terlebih dahulu untuk _____

- MENEGAK**
2. Catatan pendapatan dan perbelanjaan yang dapat membantu individu memantau aliran tunai dan mengenalpasti kedudukan kewangan mereka.
 4. Dalam pelaburan, teman ini berkait rapat dengan keputusan atau keuntungan sebenar yang mungkin berbeza berbanding jangkaan pelabur. Ia termasuklah kemungkinan kehilangan sebahagian atau keseluruhan modal pelaburan.
 6. Keuntungan atau kerugian yang diperoleh daripada pelaburan.

SOALAN BONUS

Amanah Saham Nasional Berhad (ASNB) menawarkan kemudahan pelaburan bulanan automatik ke dalam ASB serendah RM30 menerusi portal myASB. Apakah nama kemudahan berkenaan?

- a. Potongan Automatik
- b. Auto Labur
- c. Labur Konsisten



www.asnb.com.my
Imbas untuk jawab dan penyertaan

Tarikh tutup penyertaan : 29 NOVEMBER 2020